



Njemačka policija uputila zahvalnicu SIPA-i


Kako je dolijao opasni bjegunac Bilal Šahrur

Skrivao se od njemačke policije 4,5 godina, ali je uhapšen u Sarajevu

Libanac Bilal Šahrura (Chahrouh), koji je bio u bijegu više od četiri i po godine i za kojim je njemačka policija raspisala međunarodnu potjernicu, u oktobru prošle godine uhapsili su pripadnici Državne agencije za istrage i zaštitu (SIPA). Šahrur je tada lociran i uhapšen, a ubrzo nakon toga izručen njemačkim policijskim organima.

Krivična djela

Zbog hvatanja ovog opasnog kriminalca, koji je bio tražen zbog sumnje da je



Šahrur: Bijeg preko krovova


počinio više teških krivičnih djela, među kojima su razbojništva uz upotrebu vatrenog oružja, njemačka policija je direktoru SIPA-e uputila zahvalnicu u kojoj je navedeno da je ovo izuzetan

Šahrur je, nakon hapšenja, bio određen ekstradicioni pritvor u trajanju 18 dana, a nakon završetka potrebnih procedura izručen je Njemačkoj

primjer međunarodne policijske saradnje. Ovi me srdačno zahvaljujemo na brznoj i profesionalnoj podršci te

izuzetnom zalaganju pripadnika vašeg državnog tijela. Vaš uspjeh u ovom slučaju traganja je u Njemačkoj popraćen uz veliko interesiranje medija. Ovo je izuzetan primjer međunarodne saradnje policije - navedeno je, između ostalog, u zahvalnici koju je potpisao direktor Pokrajinske agencije za suzbijanje kriminala Uve Jakob (Uwe Jacob).

Šahrur je bio na izdržavanju kazne u Bohumu, ali je pobjegao iz tamošnjeg zatvora u januaru 2011. go-



Faksimil zahvalnice: Izuzetno zalaganje

dine, a njegov bijeg opisan je kao spektakularan. On je skočio s tornja visokog šest metara na ravni krov, a zatim s krova, visokog pet metara, na ulicu.

Van domašaja

Postojale su indicije da je prilikom organiziranja

bijega imao i pomagače unutar zatvora, ali to nije dokazano. Njemačka policija tada je sumnjala da se skriva u Libanu.

Ostao je van domašaja njemačkim organima gonjenja sve do oktobra 2015. godine, kada su ga pripadnici SIPA-e locirali i uhapsili. **R.H.**